



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

De sancto Spiritu, cap. 36.

urn:nbn:de:hbz:466:1-13177

490 DE DIVERSIS VISIONIBVS

& nigrae, per liuidas plagas flagellorum: litera rubra & capitales, per infixiones clauorum: puncta & virgulae, per punctiōem spinarum: pellis eadem prius fuerat multiplici persecutiōe pumicata, colaphis & sputis cretata, arūdine lineata. **APOLLONIVS**: Gaudeo me cum fructu didicisse, quod ignorauī. **CAESARIVS**: Dicam tibi nunc aliquas visiones Spiritus sancti. **APOLLONIVS**: Peto vt prius expedias de Spiritu sancto, & sit differentia inter ipsum & spiritum quem Christus in cruce emisit. **CAESARIVS**: Hoc faciam ipso adiuuante, & hoc quanto compendiosius poterō.

CAPVT XXXVI.

De Spiritu sancto.

Spiritus sanctus Deus est, tertia in Trinitate persona, à Patre Filioque procedens aeternaliter, ipsis consubstantialis, eiusdem sapientiae atque potentiae: vnde in Psalmo: Verbo Domini caeli firmati sunt, & spiritu oris eius omnis virtus eorum. Quod Spiritus sanctus à Patre procedat, dicit Filius: **Matt. 10** Non enim vos estis qui loquimini, sed Spiritus Patris vestri. Item, **Ioan. 15** Qui à Patre procedit. Quod à Filio procedat, testis est Apostolus dicens: **Gala. 4** Misit Deus Spiritum filij sui in corda vestra. Ipse etiam Spiritus sanctus vbi vult spirat: sanctus, multiplex, vnicus, subtilis, modestus, disertus, mobilis, incoquinatus, certus, suavis, amans bonum actum, qui nihil verat benefacere, humanus, benignus, stabilis, securus, omnem habens virtutem, omnia prospiciens, & qui capiat omnes spiritus intelligibiles, mundus, subtilis. Cuius varia dona cum Apostolus enumerasset, sic conclusit: **I. Cor. 12** Haec autē omnia operatur vnus atque idē Spiritus, diuidens singulis prout vult. Inter hunc Spiritū sanctū, & eū, quem Christus in manus Patris moriens commendauit, tanta est differentia, quanta inter creaturam & creatore: nā spiritus ille anima Christi intelligitur, quae à corpore eius separata est per mortem, quod de Spiritu sancto dicere nephas est. **APOLLONIVS**: Sub quibus speciebus Spiritus sanctus solet praesentiam suam mortalibus manifestare? **CAESARIVS**:
Duas

I. Cor.

12.

Luca 13.

Quas tantum species reperio manifestiores, sub qui-^{spiritus} bus in nouo testamento visus est: in columba visus est ^{sanctus} super Christum: in linguis igneis super Apostolos. Nec ^{sub qui-} hoc sine causa, septem enim naturales virtutes habet ^{bus fer-} columba, quæ auis est simplicissima, per quas dona ^{mis solo-} Spiritus sancti mysticè designantur. In igne calor est ^{at appa-} & splendor, & Spiritus sanctus ignit per amorem, ^{re.} illuminat per scientiæ operationem. APOLLONIVS: ^{Matt. 3.} Petitioni meæ satisfactum fateor per sententias, ^{Act. 2.} nunc precor vt si aliqua nosti exempla subiungas. CÆSARIVS: Quod nostris temporibus in columba & igne visus sit, verissimis tibi pandam exemplis.

CAPVT XXXVII.

DVM dominus Hermānus Abbas esset in Clau-^{Appariz-} stro, & in solennitatibus, interim dum cho-^{tionis} rus, Te Deum laudamus decantaret, circui-^{Spiritus} ret ad fratres commonendos, atque secun-^{sancti.} dum consuetudinem in chorum Conuerforum diuerteret, Henricus conuersus, cuius memini in distinctione quinta cap. 5. vidit columbam candidam de cruce, quæ erat super altare Conuerforum, in verticem ipsius descendentem, vbi multum quietè sedebat, donec circuitis vniuersis de choro exiret: tunc euolans reuersa est super crucem: hymno verò expleto, cum inciperet lectionem euangelicam, eadem auis sacratissima volauit super quandam columnam analogio proximam, illic sedens & auscultans, sacræque lectioni aurem diligentius adhibens: qua perlecta, rursus redijt ad crucem. Et testatus est idem Cōuersus, sæpius in festiuitatibus se eandem visionem vidisse: Quotiens, inquit, chorum Conuerforum intrauit, & coram altari profundè, vt ei moris est, inclinauit, mox columba prædicta crucem deserens, capiti eius insedit: in quo statim tantum creauit strepitum percussione alarum, tantum splendorem nitore alarum, vt ab omnibus potuisset audiri, & ab vniuersis videri, si illis datum fuisset audire vel videre. APOLLONIVS: Puto conuersum hunc eundem fuisse, qui vidit super caput nouitij, cum in monachum bene-